



Na temelju člana 69. stav (2) tačka (d) i člana 70. stav (1), (4) i (6) Zakona o javnim nabavkama Bosne i Hercegovine («Službeni glasnik BiH» broj: 39/14) i člana 3 stav 1. Odluke o proceduri stvaranja obaveza, broj P-177/08 od 28. marta 2008. godine i broj P-177/08-I od 15. aprila 2009. godine, predsjednik Ustavnog suda Bosne i Hercegovine, donosi

O D L U K U
o poništenju postupka javne nabavke

Član 1.

Poništava se postupak javne nabavke usluga servisiranja i održavanja službenih motornih vozila za lot 2 – nabavka usluga servisiranja vozila Audi A6 3.0 TDI za potrebe Ustavnog suda Bosne i Hercegovine, obzirom da u određenom krajnjem roku nije dostavljena nijedna prihvatljiva ponuda i pokreće se novi postupak za istu nabavku.

Član 2.

Ova odluka stupa na snagu danom donošenja.

Obrazloženje

Postupak predmetne nabavke pokrenut je Odlukom o pokretanju postupka broj P3-214/16 od 28. aprila 2016. godine. Javna nabavka je provedena putem konkurentskog zahtjeva za dostavu ponuda, a Obavještenje o nabavci i tenderska dokumentacija drugi put objavljeni na Portalu javnih nabavki 30. avgusta 2016. godine, broj 514-7-2-123-3-17/16. Komisija za javnu nabavku je blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- Da je ukupan broj pristiglih ponuda dva (2);
- Da su blagovremeno zaprimljene dvije (2) ponude;
- Da je broj prihvatljivih ponuda nula (0);
- Da je broj neprihvatljivih ponuda dva (2);

Komisija za nabavku je nakon izvršenog pregleda pristiglih ponuda, predložila poništenje postupka javne nabavke obzirom da nije dostavljena nijedna prihvatljiva ponuda i predložila pokretanje novog postupka za istu nabavku.

Ova odluka objavit će se na web stranici Suda www.ustavnisud.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

POUKA O PRAVNOM LIJEKU:

Protiv ove odluke može se izjaviti žalba predsjedniku Ustavnog suda Bosne i Hercegovine, najkasnije u roku od 5 (pet) dana od dana prijema, na način definisan članom 99. Zakona o javnim nabavkama.

Žalilac koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.

Broj P3-214/16-III
15. septembar 2016. godine
Sarajevo



Dostaviti:

1. Ponuđačima: 2.-
2. Finansijskom odjelu
3. Administrativnom odjelu/Arhivi